

Øy Nytt



Kyrkjeblad for Øygarden





Sagrada Família- Den Heilage Familien. Ei utfordring frå Barcelona.

Eg har nett kome heim frå nokre inntrykksfulle turar, både til Dallas, Texas i samband med radioprojektet eg er med i, og så ferietur til det spanske og franske Catalunya, og Andorra.

Nokre av dei sterkaste bileta eg sit att med, er inntrykket av det sterke og prøva katalonske folket, med eige flagg og indre sjølvstyre. Men óg kontrasten mellom Andorra sin "børs" og Barcelona sin "katedral".

Ikkje bare fekk vi feire messe - på katalonsk-i Barcelona sin vakre katedral, og be aftansong saman med benediktinarmunkane i klosterkyrkja på fjellet Montserrat, sør for Manresa.

Det finaste minnet er likevel kan hende frå vitjinga av ei anna kyrkje.

Mellom gatene Marina, Provença, Sardenya og Mallorca i Barcelona ligg ho. Sume kallar ho "kyrkja som aldri vert ferdig". Ho har vore bygd på sidan 1888, og vert i alle høve ikkje ferdig før i 2041:



Sagrada Família-Den Heilage Familien.

Namnet kjem frå den fasaden av kyrkja som vender mot Marina-gata og vakkert viser Jesu fødsel og liv. Her er óg den Heilage Apostelen sine tre

kristne dyder: Trua, Vona og Kjærleiken. (1.Kor.13,13; 1.Tess.1,3)

Kyrkja er teikna av den katalonske arkitekten Antoni Gaudí, d.1926. Han hadde ein modernistisk stil, bygd på førebilete frå naturen. Stilen hans er óg kalla "global arkitektur." Kanskje kom kreativiteten hans ikkje bare av evner utanom det vanlege, men og av kjærleik til landet og ei djup kristen tru.

For Gaudí er det ingen skilnad mellom stillas og innhald, og det er sagt at det er umogleg å finna kva som er kva av desse.

Det slo meg då eg sto ved kyrkja at Gaudí sin stil nok kommuniserer godt med menneske av i dag. Frå kyrkja sin side må vi nok erkjenne at vi lever i ei tid der "ingenting er A4" og mykje av livet for mange er følelser og opplevingar, med mykje lyst på godt og vondt, men óg mykje smerte.

Sjølv om vi må ta avstand frå det ideologiske ved rådande straumdraget i tida, postmodernismen, som vil ha det til at ingenting og alt er rett.

Som kristne og kyrkje trur vi på Han som er Vegen, Sanninga og Livet, Joh.14,6.

Som prest har eg eit stort ønskje om å stå på dette "gamle evangeliet". Utan Jesus, og det Han har sagt om kva som er kristendom i lære og liv er det umogleg å vere prest og kyrkje. Utan Jesus og det Han har sagt er det umogleg å tru og bli frelst. Dette veit eg at mange i prestegjeldet vil stå saman med meg i, og kjempe for.

Men vi har godt av å ta med oss utfordringa frå Barcelona.

Når Jesus sjølv då Han steig inn i vår verd vart ein del av Sagrada Família-Den Heilage Familien(Luk.2,16+33), skal vi og som kristne bevisstgjere oss på vårt sams, og heilage kall som ein familie(Ef.2,19-22) når vi bygger stein på stein i vår lokale kyrkje for born og komande generasjonar. Og innhaldet i trua er det same som alltid, men formene kan skifte.

sokneprest@kyrkja.net
<http://www.sagradafamilia.org/>
<http://www.aviewoncities.com/barcelona/sagradafamilia.htm>



Den norske kyrkja i Øygarden

ØyNytt – kyrkjeblad for Øygarden

Utjevar: Blomvåg og Hjelme kyrkjelydar
 Redaktør: Odd N. Thormodsæter
 Kontingent: Min. kr 100,- pr. år innan kommunen
 Min. kr 150,- pr. år utanom kommunen
 Takkeannonser: kr 100,-
 Kontonr.: 3628 07 02557
 Layout/trykk: Grafisk Team AS
 Distribusjon: Hurtiglevering, Tjeldsto
 tlf. 98 66 53 29

Kyrjekontoret:

Vitjingsadresse: Helse- og tenesteseiteret, Rong
 Postadresse: Boks 144, 5331 Rong
 Telefon: 56 38 22 40
 Faks: 56 38 22 41
 Vakttelefon: 56 38 22 44
 E-post: kontor@kyrkja.net

Internettider: kyrkja.net

Ekspedisjonstid: måndag – fredag 0900 – 1500

Tilsette:

Kontorsekretær: Kari Sandøy Rong
 e-post: kontor@kyrkja.net
 tlf. 56 38 22 40

Kyrkjelydspedagog: Synnøve Sandøy Voldsund
 e-post: kyrkjelydspedagog@kyrkja.net
 tlf. 56 38 22 47

Kantor: Anne Lise Grøm - permisjon

Organistvikar: Vegard Voldsund
 e-post: organist@kyrkja.net
 tlf. 56 38 22 45

Sokneprest: Svenn Martinsen
 e-post: sokneprest@kyrkja.net
 tlf. 56 38 22 44

Kyrkjeverje: Odd N. Thormodsæter
 e-post: kyrkjeverje@kyrkja.net
 tlf. 56 38 22 43

Kyrkjene:

Blomvåg kyrkje: tlf. 56 38 70 22
 e-post: blomvag.kyrkje@kyrkja.net
 Kyrkjetenar/gravar: Kåre Kristoffersen
 Nytt mobilnummer: 911 05 197
 Klokkar: Ole Vik

Hjelme kyrkje: tlf 56 38 80 30
 e-post: hjelme.kyrkje@kyrkja.net
 Kyrkjetenar/gravar: Kari B. Solheimslid
 Mobil 9772 74 57

Råda:

Blomvåg sokneråd: Leiar: Bente H. Guntveit
 Hjelme sokneråd: Leiar: Atle Dåvøy
 Øygarden
 kyrkjelege fellesråd: Leiar: Gustav Landro

**Frist for stoff til nr 5/06 er
20. november.
Til abonnent: 6. desember**

GOD NOK??

Spørsmålet kan tolkast på to måtar.

Er eg god nok til å kallast kristen?

Eg som stadig tabbar meg ut og ikkje kan framstå som noko praktkesemplar av eit menneske?

Eller for nokon kan det bety: eg er vel god nok? Eg er ikkje akkurat dårlegare enn dei som kallar seg kristne? Eg reknar med eg er god nok når eg kjem framfor Gud eingong.

(ja, for eg trur jo på Gud...)

Nei, du er ikkje god nok.

Eg er ikkje god nok.

Men Guds nåde er nok!

Jesu forsoningsverk på Golgata er nok!


Vi kan ikkje stille opp med noko av vårt eige framfor Gud.

Vi må gå vegen gjennom Jesus. Han seier: ” Eg er Vegen, Sanninga og Livet. **Ingen** kjem til Faderen utan gjennom meg.” Joh. 14,6.

Det finns ingen annen vei som er god nok for Gud. Ta imot Jesus, det er **nok** for deg.

Det er nok det som Jesus gjorde,

Bente Guntveit



Bente Guntveit

”Det er nok det som Jesus gjorde, om av syndarar størst du er, du er beden til bryllaupsbordet, også deg har din Frelser kjær”.

MIN SALME

DET VAR EN SOM VAR VILLIG

Teksten i denne songen gjer meg så takknemlig. Den er retta til akkurat ”sånne som meg” som så gjerne vil.... men ikkje alltid får det til. Og det er sikkert dei som tenker: Kan HO kalle seg kristen, så kan i alle fall eg det. Og då har dei forstått det. Ingenting eg presterer gjer meg på nokon måte god nok til å være eit barn av Gud. Men akkurat på tross av at eg IKKJE er god nok...så treng eg nåden Jesus gjer meg.

Det står i songen at *han sonet MIN synd...min skam...* Det står han er tålmodig og mild, og det må han være med meg..

Alle mine feiltrinn som ligg bak meg, som vil komme der framme, vart nagla til korset med Jesus.

Det var en som var villig å dø i mitt sted, for at jeg skulle leve med ham. Ja, til korset han gikk hvor han kjøpte meg fred, da han sonet min synd og min skam.

Han er mild og tålmodig som ingen på jord, mens for slagget han renser sitt gull. Det er ingen fordømmelse, lyder hans ord, men forløsning så fri og så full.

Jeg meg klynger til Jesus, vil aldri gå bort. Det er fryd på de gjenløstes veg. Det er sang på min vandring til Himmelens port: Hver en synd tok min Frelser på seg.

Under Frelserens banner jeg glad skrider frem. Og som han er, skal jeg bli engang. På min veg mot det evige himmelske hjem, vil jeg prise ham glad med min sang.

ALT som var meg imot, ble utslettet med blod, det ble naglet til korset med ham. Hvilken byrde han bar, da han sonoffer var, og tok bort all min synd og min skam.”


”Jeg klynger til Jesus, vil aldri gå bort...”

Og då kan eg så klart velge å sjå skamfullt på livet mitt som så visst ikkje alltid vert levd som det burde....men velger å klynge meg til den milde og tålmodige Jesus som tok alle mine feilsteg med seg på korset...og nok tenker: Therese, no falt du igjen...men eg er med deg, og skal løfte deg opp igjen

”Jeg var villig å dø i ditt sted” Så tenker du: Kan HO så kan EG....Ja, du har heilt rett.

Therese Hellesøy

Eg utfordrar Margit Jørgensen til å skrive neste gong.



Therese Hellesøy

Kjære venner!

Bamako sept -06

Nå har vi vært vel en uke i Mali, og det har vært en begivenhetsrik uke!

Reisen ned hit gikk veldig bra. Jentene satt rolig på flyet, og fikk timene på flyplassen i Paris til å gå ved hjelp av McDonalds og to små lekeapparater. Ankomst Bamako var en spesiell opplevelse. For det første var vi trøtte, det var varmt, men så var det i tillegg ingen form for kø fram mot passkontrollen. Alle bare stimlet sammen i håp om å komme først. Men sånn er det her nede. Og så vi da, men to trøtte unger og mer enn nok håndbagasje og holde styr på. Heldigvis ble vi etterhvert sett av en ansatt, og ble sluppet raskt ut:-) Så var det å hente bagasjen. Jan plukket seg ut en «hjelper» som hjalp oss å finne våre ti kollo, men det gikk ikkje så greit. Vi venter fortsatt på en 100 liters koffert fyllt med blant annet det meste vi hadde av CD'er og DVD'er...

Vi ble godt tatt på gjestehuset til misjonen og kom oss etterhvert i seng, svært fornøyde.

Den første uka har vært en «fadderuke» med sitt eget program. (Typisk for alle nye studenter?) Vi har blitt godt tatt vare på av de tre damene som egentlig holder til i Ouassoubidiana, Karen Ekern, Therese Glendrange og Guri Enger, og av direktøren Berit Bakke. Vi har blitt presentert for supermarked, enkelte restauranter, markedet og minibanken. Overalt er det folk som gjerne vil prate med jentene våre. Lørdag var vi i bassenget med alle de norske misjonærene her i byen. Jentene storkoste seg i vannet, og vi har funnet ut at vi må skaffe oss armbinger for dette blir det mer av!! Jan ble skikkelig solbrent på skuldrene, så sterkere solkrem skal vi også kjøpe. Søndag var vi på gudstjeneste. Det var en fin opplevelse.

I går flytta vi inn i eget hus. Det var godt å komme for seg selv igjen. Her er det veldig greit, to soverom, stue, kjøkken, bad og do med en gårdsplass utenfor, aircondition i tre rom og mange vifter. Hushjelpen har jobbet her i huset før, og det jeg har sett til nå er meget tilfredsstillende. Porten skal alltid være låst. Om natten har vi vakt.

Vi har så smått begynt å finne oss til rette her nede. Nå er dette hjemme! Jentene sover godt om natten, og igår var det stor gjensynsglede over lekene vi pakka fram. I dag har Jan reparert en bil, og nå er han på bønnemøte. Varmen er ikke så aller verst (25-30 grader), men det er regntid så da er det fuktig. Vi drikker mye vann, men ikke fra springen! Overgangen Norge-Mali er stor. Så mange andre lukter og lyder. De siste dagene har vi blitt forkjøla, så energien har ikke vært helt på topp



hos andre enn Hild Elida. Vi sitter inne med masse nye informasjon, og ser fram til å bli bedre kjent med arbeidet her nede. Nå venter vi på Bambi. Hun har passa norske barn før og skal passe jentene våre så lenge vi er her i Bamako. Så snart de er blitt bedre kjent skal vi voksne begynne å konsentrere oss om dette språket som foreløpig bare er masse rare lyder.

Varme hilsner fra Elisabeth og Jan, Ester Kristine og Hild Elida

Ny beredskapsordning for kyrkja

Dersom ein ikkje kjem fram til vakttelefonen, **5638 2244**, lokalt her i Øygarden, kan ein ringja "prostivakta". I tidsrommet 17.00 – 08.00 på kvardagar, og i helgane/høgtidene heile døgeret, er det alltid ein prest i beredskap i prostiet. **Nummeret er 954 83 655.** Dette gjeld berre tenester som ikkje kan venta, slik som dødsbod, soknebod for døyande og støtte i kritiske situasjonar.

Korleis har du det...
EIGENTLEG?

Krisetelefon 815 33 300
SOS-Melding: www.kirkens-sos.no

 **Kirkens SOS**

EIT MENNESKE Å SNAKKE MED
NÅR LIVET ER SOM VERST

Leir Skjergårdsheimen 22.-24. september 8.-10. klasse

Takk for sist alle sammen ☺

Ingenting er bedre enn en god leir med ivrige, smilendes, forelskede og engasjerte ungdommer. Jeg tror jeg snakker på vegne av de fleste da jeg sier at dette var en storartet leir. Et minne som får meg til å smile er vill-marksleken "rød og blå" som ble en slager, hvor guttene kunne hente fram sitt mannlige innstikt og kjempe for livet etter å henge opp en klesklype på den "skjulte" basen til fienden. Kubbspill, fotball og bordtennis var også aktiviteter som holdt engasjementet på topp! Håper dere også kan sitte igjen med noe fra bibeltimene og fått blitt bedre kjent med Jesus.

*"Eg er en perle for Jesus,
en perle med stor verdi,
Jesus døde på korset,
for å kjøpe perla si"*

"Det er stort å kjenne Jesus"
Velkommen tilbake på leir,
med eller uten pizza ☺

Marianne Stensland
Barne og ungdomsarbeider,
Øygarden



Vi tilbyr ferdige middagsretter og nystekte bakervarer



RONGEBUA

- Stor jernvare
- Interiørvareavdeling

Tlf. 56 38 71 40 RONG SENTER

Juleartiklane er komen. Fine julegaver
Ta turen innom

Månd-fred: 10-18
Lørd: 10-18
Tlf. 56 38 86 00
Fax 56 38 85 39



RONG SENTER

TIMEBESTILLING 56 38 73 90



RONG SENTER

Anne Lene ønsker alle nye og gamle kunder velkommen.
Har lærling som trenger modeller.

Catering - Snitter/koldtbord + Varm mat



Telefon 56 38 74 54 Rong Senter, Eiks 18, 5331 Rong

Bli brun selv om det regner

Ønsker du å leie soltjenn?

Ring B-P-S Solutleie. Vi kan tilby 12-rytes solhimmel eller 20-rytes solsjang med god kvalitet og frittløst service og Øygarden

Tlf. 56 38 74 54 (dag), 56 38 73 22 (kveld) eller 91 85 62 58.

BPS Solutleie v/Arvid Rong
56 38 74 54 / 56 38 73 22

NYHET!

Ionic - Detox™ MK2

ØYGARDEN HUD & KROPPSPLEIE


Rong senter • 56 38 95 15

- Forbedrer helsen
- Gir energi
- Bedrer fordøyelsen
- Bedrer pusten også ved astmaproblemer
- Hjelper lever/nyrer
- Motvirker stress
- Bedrer søvnvanene
- Psoriasis / Hudproblemer
- Gir bedre blodsirkulasjon



Bilverksted har blitt mye større, med stort utvalg av godkjente fra vårt kjøkket.

- * Moderne bilverksted m/BU kontroll
- * Reparasjon av alle bilmerker
- * Moderne verkstall



Bilverksted

BLOM SERVICESENTER AS

5331 RONG - tlf. 56 38 72 80

Godkjent bilverksted



TORSVIK

ELEKTRISKE AS

Torsteinsvik - 5337 RONG

Tlf. 56 38 50 00

Webtlf. 99 54 662

www.torsteinsvik.no

Installasjon Industri, bolig
Data- og telemat
Annetting
Automatiserte utrustning
Elektronikk og
Elektrisk forarming



Øygarden Elektriske AS


Aut. elektrisinstallatør

Tlf. 56 38 94 24

Mobil: 928 41 790

E mail: post@oygarden-elektrisk.no

Støtt våre annonsører
dei støtter oss




Harkestad Betong AS

Utsalg på Straume
Tlf. 56 33 00 70

Betong og betongprodukter

Tlf. 56 38 25 00 Fax 56 38 25 01
5336 TJELDSTØ



Malvin Harkestad & Sønner AS

Alt i grunn- og betongarbeid


Tlf. 56 38 25 00 - Fax 56 38 25 01

VISITASFOREDRAGET 17. SEPTEMBER 2006

Visitagudstenesta her i Øygarden prestegjeld finn stad på den søndagen som har fått namnet "Takknemligheten sin søndag". Alle tekstane oppmoder til TAKKSEMD.

Etter fem tette dagar i prestegjeldet, så kjenner eg på kor velvald dette temaet er. De lever på mange måtar i ei nådetid nett no: Dei ytre forholda ligg særst vel til rettes. Kyrkjer og kyrkjegardar står heilt strøkne. Kyrkjelydskontora er gode og har ei svært tenleg plassering. Det er ei tett samhandling med kommunen, prega av respekt og profesjonalitet. Staben har funne saman, dei tilsette gjer det dei kan for å gjere kvarandre gode. Sokneråda har eit levande engasjement for Jesus og stor vilje til refleksjon og nysatsing. For meg har det særleg vore godt å merka kor tett den kyrkjelege strukturen dreg saman med bedehusrørsla og opent stør kvarandre.

Det er klart det gjer inntrykk når eg høyrer at kommunen kvart år gjev 100 000 til eit misjonsprosjekt som Misjonssambandet driv i Etiopia. Og at skulen så fylgjer opp med storaksjon til same formålet. Det er glederikt å sjå kor fint bygdefolk og industri tek vare på Hjelme gamle kyrkje, eit kyrkjehus som på mange måtar er avskilta. Kyrkjehus og kyrkjegardar vert stelte som om det var heim og hage. Sjå berre på Blomvåg kyrkje no ved 75-års jubileet: De fekk ikkje utvidinga som mange av dykk arbeidde for. Men de tar tak i det de kan gjere noko med: Flott parkering



utomhus og vakre nye tekstilar innomhus. Og ein borggard som no under visitasen er vorten ein elegant kyrkjelydssal.

Det er 13 år sidan biskop Per Lønning visiterte prestegjeldet her ute i Øygarden. Til visitasen no i år ligg det føre ei instruktiv og velskriven melding. Her er mangt som gler og imponerer.

Ikkje minst det levande arbeidet som finn stad på mange av dei til saman 16 bedehusa som er spreidde rundt i bygdene. Sjeldan såg eg slik ei liste over søndagsskular og yngreslag. Men eg tel og sju tiltak for ungdomar i meldinga dykkar, i tillegg kjem

eit uvanleg rikt leirarbeid knytt til Skjergardsheimen.

Eg finn strategar i denne kyrkjelyden som har arbeidd på lang sikt og som har nytta høvet, når sjansen var der. Eit skulehus skal seljast på Hatten, og så kjem altså Skjergardsheimen. Ei stilling som kyrkjelydsprest vert ledig, og så vert ho konvertert til kyrkjelydspedagog. Biskop Lønning etterlyser betre parkering ved Hjelme kyrkje, og så finn de plass lunt innimellom lynghaugane. Tomt er innkjøpt til prestebustad og kan nyttast når signala kjem frå bispedømekontoret. Nokon såg moglegheitane i ei utvida

Fortsettelse neste side

Blomvåg kyrkje. Dei vart riktig nok stoppa av Riksantikvaren, som jo har merka seg denne kyrkja som uvanleg interessant. Men de viser at de har handlekraft og engasjement.

Der de ikkje har sagt dykk nøgde, er på det diakonale feltet. Her kjenner de at noko må gjerast. Det ligg alt for mange og ventar i "Barmhjertigheten sitt hus" (jfr. dagens preiketekst.) Tradisjonen har alltid vore slik mellom Øygardsfolket, at leid nokon naud, eller blei på sjøen, så stilte naboane opp. Det har vi mange døme på i dag og. Men nauda er meir skjult i dag. Ho forskansar seg bak heimen sine tjukke veggar. Ein kan liksom

ikkje trengja seg på, føler ein, og dessutan er det så travelt for oss alle.

Med mobilen som kommunikasjonsmiddel og fjernsynet som altar, vert relasjonane utfordra. Når familiestrukturane vert utydelege kan det verte vondt om førebilete for barn og unge. I visitasmeldinga skriv de at rusmisbruket mellom unge ser til å auke. Eg kallar kyrkjelyden til levande diakonal innsats i åra som kjem. Kan de få opp ei stilling for ein diakoniarbeidar, veit eg at fellesskapen vil få nytte av det.

Som mange av dykk veit, kjenner

eg øygardsfolket betre enn dei fleste. Handlekraftig og rett på. Unyansert ofte og utan sans for dikkedarar. Eg er full av beundring. Eg har heilt klart noko å læra.

Men baksida må de og vere var. Livet er ikkje så svart/kvitt som mange ser ut til å tru. Det er lett for å såre når orda kjem usensurerte. Det er godt med kraftig leiarskap. Dei gode leiarane tek seg likevel alltid tid til å lytta, dei veit kor viktig det er å få med seg meiningane frå dei som ikkje så lett står opp og mæler imot. Får ein ikkje med seg fotfolket, kan resultatet verte fraksjonering og motløyse.

• Biletglimt frå visitasen • Biletglimt frå visitasen • Biletglimt frå visitasen • Biletglimt frå visitasen



Besøk på Tednebakane



Nattverdsgudsteneste i Hjelme



Møte med kommunen



Utmarsj i Hjelme

Dette er ikkje sagt som eit forsvar for meg sjølv som biskop og for ei kyrkje som har gjort val de er urolege for. Så sjeldan som det er med ein bispevisitas, er det ikkje meir enn rimeleg at de står opp og konfronterer meg i aktuelle spørsmål. Ja, det er faktisk slik at eg har bruk for tydeleg tale, for eg skal vidare i nye, sentrale møte. Eg tek med meg synspunkt og åtvningar.

Som de og veit, er eg samd med dykk i dei grunnleggjande synspunkta. Først og fremst dette at Bibelen skal vere grunnlag og rettesnor for alt det vi gjer og lærer og forkynner.

Men eg har merka meg samtalen med kommuneleiinga, der vi i

den aktuelle Stat/kyrkje-debatten vart alvorleg formant om ikkje å stilla oss slik at den offisielle kyrkja vert privatisert og mistar den nære kontakten med ei lokalbefolkning med djupe kristne røter. ”I Øygarden sitt kommunehus”, vart det sagt, ”er kyrkja ei av dei berande søylene. Vi treng å ha noko som er større enn oss sjølve, når det kniper for oss. Kyrkja må ikkje verte for innadvendt i dagane som kjem.”

Og då er eg over på dei to store sakene de har lagt fram for meg. Først dette at de leiter etter ein veg for kyrkjelyden om Den norske kyrkja gjer val som de finn er ubibelske.

De er ”klare til forhaling” skriv de i visitasmeldinga. Kjem Kyrkjemøtet ut med vedtak som de ikkje finn har støtte i Bibelen, då vil de måtte vurdere forskjellige modellar for brot i gudstenestefellesskap. Og om det skulle skje at kyrkjelyden fekk ein prest eller biskop med nytt syn i homofilispermålet.

Eg vil gjere det eg kan for at så ikkje skal skje. Men eg må be dei av dykk som talar om valkyrkjelydar og alternativt bispetsyn om å sjå på realismen i tenkinga. Vi har ikkje no slike ordningar. Og skulle de som leing søka å forhala kyrkjelyden til annan kai, så veit eg ikkje kvar den kaien er. Og folkekyrkja,

Fortsettelse neste side

å visitasen • Biletglimt frå visitasen • Biletglimt frå visitasen • Biletglimt frå visitasen •

Skulegudsteneste i Blomvåg



Møte med 9. klassane



Terna barnehage

Einingsleiar Frank Hop orienterer om barnehagen



Møte med 9. klassane

med kyrkjehus og mannskap, ho vil verte att. Ein kan ikkje melde folkekyrkja inn i ei frikyrkje.

Ikkje skal ein sjølv heller gjere det som eine person. Du skal ikkje langt attende i kyrkjehistoria før du finn open vranglære forkynt frå preikestolar og i dette stiftet. Men folk sto distansen og blei i kyrkja og forkynte Ordet og vitna for naboane og fylte dei valde råda med trugne kyrkje- og bedehusfolk. Slik det nå er i Øygarden, må de for all del halde saman og nytte den nådetida de har. Det ville vere øydeleggjande om de no splitta opp fellesskapen i mindre forsamlingar, eller trakk dykk ut til kyrkjelydsfellesskap eller forsamlingar utanfor Øygarden. Som einskildperson kunne du vel sakta få enda større personlege opplevingar i forsamlingar der alle var oppglodde. Men kva med bygda di og naboen sine barn?

Ingen må seie at de ikkje har ein bibeltru prest. Ingen må seie at her er alt statisk, vi kjem ikkje vidare. Ingen må seie at mogelegheitane ikkje finst for levande kyrkjelyds- og bedehusarbeid. Tvert om har de ein sentral og bibelsk forankring, og openberre sjansar til å nå ut på ei folkekyrkjeleg mark som har djupe andelege furer.

Den andre store saka ved denne visitasen er den nye gudstenesteliturgien de har arbeidd fram, ”Øygardsliturgien” har den vore kalla, eller ”Den store lovsongen”.

De har nytta det høvet som alle kyrkjelydane har no for tida, til å søka å meisle ut ny liturgi som ei prøveordning. Og her har de gjort noko som er uvanleg spanande:

De søkjer å halde i hop gamal levande og velprøvd liturgi med ein opnare bedehustradisjon med enklare songar og stor deltaking frå lekfolket si side. Det er klart at det er presten som legg mange av premissane, eg kjenner att mykje av stoffet frå meir høgkyrkjelege tradisjonar. Sjeldan såg eg likevel eit så aktivt deltakande lekfolk. Her skapar de noko som verkeleg er interessant.

Når det gjeld gudstenesta, gler eg meg over stor og aktiv deltaking frå kyrkjelyden si side, der både barn og unge er involverte. Likeså over eit band som er med og supplerer orgelet. Med Powerpoint har vanlege folk heile tida oversikt over kvar vi er og kva vi gjer. Her er solid forkynning og stor fleksibilitet.

Men som eg alt har sagt ved fleire høve: De er for glade i ord. Sjølv om dei er gode og bibelske og fører med seg vakker tradisjon, så kan dei verte for mange. Særleg er dette tydeleg i nattverdliturgien, her trengs det at nokon strammar opp og skjer bort.

Alt endringsarbeid tek tid. Eg trur de gjer klokt i å behalde den noverande liturgien ved nokre av gudstenestene. Då eg skreiv dette foredraget hadde eg enno ikkje høyrte lyden i orgelet. Det er for dårleg, så gode instrument som de har. Eg vonar og at barnekantoret kjem att når kantor har avslutta permisjonen.

Sjeldan har eg hatt så mykje på hjarta som nett no. Det er så mange einskildobservasjonar eg hadde hatt hug til å kommentere. Om att og om att har eg tatt dykk i å gjere framifrå godt arbeid. Det gjeld ikkje minst medarbeidarane

som er tilsette. Eg kunne nemnd dei ved namn ein etter ein og fortalt kva eg har sett av faglegheit, kjærleik og vilje til å satse.

Ver med dei no, og nytt tida. Ho er god og full av mogelegheiter.

Ein visitas er over, og biskopen fer vidare til andre kyrkjelydar. Eg kjenner det likevel slik at vi er ikkje ferdige enno, ikkje eg med dykk og ikkje de med meg. Vi treng å ha kontakt med kvarandre i den prosessen de har tatt til med. Her er mykje å vinne og mykje å risikera.

De har prostens som medarbeidar, han har de tillit til og han har vore dykk ein klok rådgjevar. Men eg er komen til at eg vil attende til dykk og møte dykk til drøftingar ei kveldsstund om eitt år. Då har vi bak oss eit kyrkjemøte. Då har vi erfaringar frå den nye gudstenesteliturgien. Då kan eg få høyre om konfirmantane som les dette året, det var så flott å møte dei på ungdomsskulen og dei har så gode leiarar. Det kan vere godt for dykk å ha ei slik vitjing å forhalde dykk til, om noko skulle skjere seg. Da kan de roe dykk ned og tenkje: Vi tar det opp i drøftingsmøtet med biskopen. Eg kjenner at denne visitasen har Gud brukt. Eg seier som Paulus: ”Eg vil kome att for å sjå korleis det går med dykk”.

”Og eg er viss på at han som tok til med ei god gjerning i dykk, han skal fullføra henne – heilt til Jesu Kristi dag” (Fil 1,6).

BJØRGVIN BISPESTOL,
17. september 2006.

Ole D. Hagesæther

**Kjøp kjapt,
trygt
og billig**

**KIWI mini
pris**

**Søre Sæle
Tlf. 56 38 71 20**

**Din totalleverandør
i Øygarden**

 **ØYGARDEN
BYGGSENTER**

 **TH
BHAS BYGG**

 **ØYGARDEN
BOLIGUTVIKLING**

Tlf. 56 38 28 00, faks 56 38 28 09
Adr. Påluneset, 5337 Rong
www.th-bygg.no

Øygarden Cafe og Catering Tjeldstø

Har lokale til ca 100 personer. Kan levere mat til alle
Arrangerer byllamp, anledninger.
konfirmasjoner og andre Middag, koldbord og smitarr.
tilrettelagte.

Tlf. 5638 9380

Inderøy Taxi & Transport

1 - 11 passasjerer
Rullestol

Telefon: 56 38 77 73
Mobil: 90 59 90 59

BERGEN OG OMEGN BEGRAVELSESHJELP



Kjetil Polden
Tlf. 57 23 42 00

Tor Øst
Tlf. 57 16 08 83

Tjeldstøer, 20, 5010 Bergen
Tlf. 55 21 44 50

Mobil 90 51 10 00

- DØGNVAKT
- PARKERING
- BLØMSTER
- MONUMENTER

Vi tilbyr et stort utvalg av tjenester

til alle som ønsker å gjøre det beste



Asane Begravelsesbyrå AS
v/Johannes Blom

Vi står til teneste med alt vedr. gravferd

Tertnesvegen 99, 5114 TERTNES
Døgnvakt tlf.: 5518 9300

Gravminner

Leveres ferdig montert med garanti.
Be om katalog og pris.
Skrifthugging og oppussing utføres.



Bjørn Solheimslid
5336 TJELDSTØ

Tlf. 5638 9534 / 4004 1045

Solstrands Begravelsesbyrå



Herman Fossgt. 17, 5007 Bergen
Telefon 55 55 16 16 hele døgnet
E-post: post@solstrands.no

Vår erfaring - din trygghet

Sotra Omegn
BEGRAVELSESBYRÅ

- En del av Koba Christensen gruppen

Ditt begravelsesbyrå på Sotra.

Oppfølging og veiledning i en tung og vanskelig tid.

Vi dekker hele Fjell, Sund og Øygarden

TLF 56 32 08 90 hele døgnet
Skjernet 4, 5353 Straume (samme hus som Ligningskontoret)



Øygarden Gospel på turné



3.-5. november reiser Øygarden Gospel på turné. I desember i fjor gav koret ut cd-en "Come On", og det er songane på denne cd-en koret vil framføre i konsertane. Me har lenge snakka om og planlagt denne turnèen, og alt har kanskje ikkje heilt blitt som me tenkte, men me har no landa på eit opplegg me er nøgde med. Fredag skal vi til **Salem i Bergen, lørdag til Kleppe bedehus på Askøy og søndag i Ytre-Arna kyrkje.** Koret har med seg profesjonelle musikarar, lydteknikar og lydanlegg, og med ungdommane sine flotte stemmer trur me dette vil bli ei oppleving, både for publikum og for oss som reiser.

Jubileumsskrift Blomvåg kyrkje 75 år 1931 – 2006

Bur du i Øygarden, kan du få dette gratis ved å venda deg til kyrkjekontoret. Heftet er også lagt ut i kyrkjene.

Bur du utanom kommunen, sender vi det gjerne.
Pris kr 75,- inkl. porto.

SAMLIVSKURS

- et kurs for å få det enda bedre sammen !!



PREP er et kurs som gir par et verktøy til å skape en god og trygg kommunikasjon. PREP kurset er morsomt og ufarlig, det er ikke gruppearbeid, parene jobber for seg.

PREP er et kommunikasjonskurs for par som ønsker nye perspektiver på samlivet, og som ønsker å få det enda bedre. Kursdager er 9. og 10. nov (18-22) og 11. nov (10-15) 2006.

Pris pr. par kr. 1900.-. Interesserte bes ta kontakt med Straume Helsestasjon på telefon 56313720.

På radiobølger til Texas

Som kanskje nokre i Øygarden kjenner til er soknepresten vår engasjert i radioprojektet *Northern Star* som ønskjer å byggja ein stor radiostasjon for Nord-Europa.

Av Odd N. Thormodsæter

Då visitasen i september var unnagjort, pakka soknepresten kofferten (utan prestekjolen) og sette kursen for Dallas i Texas.

-Kvifor tok du denne turen, Svenn?

Eg var invitert til å ta del på ein radiokonferanse på Hilton Anatole Hotel i regi av NAB (National Association of Broadcasters i USA). Her fekk eg med meg interessante foredrag, ei stor utstilling om framtidens radio og møte med radiobransjefolk frå heile verda.

Eg var og gjest på radioshowet "Moby in the Morning" som går på radiostasjonar i 5 statar, m.a. den lokale KFXR "Cowboy 11-90" som hadde ute-studio på konferansen. Hovudformålet med besøket i Texas var møte med eit stort mediekonsern. Så kven veit – kanskje møter vi i framtida soknepresten som "president" i ein ny radiostasjon??




Texas-cowboy Svenn



Svenn kan opplysa om at det er ein stor revolusjon på gang når det gjeld digital radio på AM-banda. Dette vil føra til FM-kvalitet på både LB, MB og KB. Systemet kjem truleg og på FM, og vil der føre til CD-kvalitet. Siste året har Svenn vore med i ein statleg komite som utgreier digitalsendingar på AM-banda i Noreg. Komitérapporten "Nytt liv for lågfrekvent kringkasting" er snart tilgjengeleg på www.npt.no.

ØyNytt-rosa

Astrid Flåten jobbar på Tednebakkane og har lang fartstid i Øygarden kommune. Er fantastisk! Alltid i godt humør og står på og hjelper andre. Treng nokon hjelp er det berre å gå til Astrid. Ho har ein utrulig kompetanse i jobben. Alltid frisk og opplagt! Tusen takk!
Helsing kollegaer på Tednebakkane



Reisebrev frå Mombasakysten

Av Kjersti Waage Kårbø



Dagen er på hell. Eg let blikket gli sakte over landskapet rundt meg. Vinden grip lett fatt i blada på trea og palmene like ved. Hønene er trøytt etter dagen,- og har vagla seg på nokre høvelege trepinnar borte på ” plenen”. Det er nok mange markar og andre småkryp som har sett sine beste dagar i dag. Hanen som vekte meg i 05 tida går enno og leitar etter noko smånask til kvelds. Dei får gå fritt – hønene i Kenya... Fugleinfluensaen er lite omsnakka.. Kråkene flyg lågt over hovudet mitt her eg sit på ein ”pinna”stol med ei falma, solsliten, raud plastbøtte til fotskammel. Varmen slepp taket. Det kjennest svalare no.

Eg legg hovudet mot murveggen-. Me hadde 30 grader i klasserommet i dag – David og eg.

Turid (Toft Amenya) kom bort til oss og heldt på å få sjokk då ho såg kor me sveitta. OM me ikkje hadde sett inn vifte!? Hæ? VIFTE??? Som nyleg utflytta øygarding og harding var dette ein tanke som ikkje hadde streifa meg. Heime i Øygarden var det slik at ;- anten blæs det eller så var det stille. Var det i tillegg sol då- så var det jo ingen grunn for å setja på manuell vind... Ja, her er forskjellig. Ikkje noko verneombod kom og stengde lokala heller. Må smila for meg sjølv. Veit ikkje om eg hadde greidd å konsentrera meg i slik varme då eg gjekk i skulen© Ja, her er faktisk bra varmt kvar einaste dag. Om nettene regnar det, og dermed er luftfuktigheita rimeleg høg om dagen, rundt 90 %. Men merkeleg nok... ein vert vand med dette og.

Me følgjer same opplegget dei har på skulen i Nairobi, så det er ikkje råd å ta fri. David jobbar utruleg godt, og me har hatt kjekke dagar.

Tenkjer nok det var dei som hadde fått seg ein god lått hin dagen då me hadde gym. Fotball var aktiviteten – og elev og lærar gjekk i gang. For å få meir fart i spelet måtte ” ho mor” og ut på bana.. Sjå føre dykk ein spretten gutunge og to damer i side skjørt som gjer sitt beste for at ikkje ballen skal havna i mål.

Det var heldigvis få som passerte porten inn til tomta den stunda dette stod på, men ljomen hørde dei nok lang veg...

Dette var nokre tankar frå meg her på skuleoppdrag på Mombasakysten.

Me takkar for kvar dag me får, takkar for helse og for at me får høve til å gjera ei teneste her nede.

Bibelen i CD-utgåve

Kristent Arbeid Blant Blinde og svaksynte (KABB) lanserer nå på nytt bibeloversetjinga frå 1978. Den har tidlegare berre vore tilgjengeleg på kassett. No kjem den i digital utgåve som omfattar 8 CD-ar. Desse kan spelast på både MP3-spelarar og Daisy-spelarar.

- KABB har gjennom mange tiår produsert lydbooker for synshemma og lesehemma. Det har alltid vore viktig å kunne tilby Bibelen også for synshemma. Då Bibelselskapet i 1978 lanserte Bibelen, kunne KABB samstundes tilby ein kassettersjon av den same utgåva. Den besto av så mange som 116 kassettar. No har KABB bearbeidd denne utgåva og tilbyr no alle å kunne lytte til ein digital versjon av Bibelen, seier generalsekretær Ingvar Nevland.

Han seier at CD-versjonen gjer det enklare for alle å bla fram og tilbake mellom dei ulike kapitla og bøkene i Bibelen samanlikna med kassetane. Den digitale Bibelen kan også kjøpast av sjåande. KPK

På kyrkjekontoret har vi desse CD-ane til utlån. Velkommen innom!

Opprop til bøn og støtte for jødefolket

Sentrale leiarar frå ulike delar av Kristen-Noreg har gått saman om eit opprop. Der heiter det: - Jødane si rolle som Guds utvalde folk er ikkje utspelt. Bibelen oppmodar oss til å be for Israel og det jødiske folket. Vi ser i vår tid at antisemittismen veks både i vårt eige land og i Europa. I denne situasjonen kviler det eit særleg ansvar på kristenfolket, og vi oppmodar difor alle kristne til regelmessig bøn for Israel og jødefolket! Dei som står bak oppropet og støtta for jødefolket er: Pastor Sten Sørensen, generalsekretær Karl Johan Hallaråker, pastor Arfinn Clementsen, informasjonssjef Espen Ottosen, pastor Gunnar Jeppestøl, prest Einar Ekerhovd og pastor Hans Rogstad. KPK.



Halloween spreier uhygge - Allehelgensdag håp

- At nokon blandar saman Halloween med Allehelgensdag, er forståeleg. Men det er to dagar med noko ulikt innhald.

Det seier Kari Lilleaasen, rådgivar i IKO – Kyrkjeleg Pedagogisk Senter.

Av Torbjørn Greipsland

Mange barn her i landet er med og markerer Halloween, men svært få barn så vel som vaksne veit kva det handlar om. Og endå færre veit kva Allehelgensdag er.

Samanblanding

- Det skjer ofte ei samanblanding av Allehelgensdag og Halloween, seier Lilleaasen.

”Allehelgensdag nærmar seg. Det er best å vere førebudd” stod det å lese i medlemsbladet til Bokklubbens Barn for nokre år sidan. Og det små barn skulle vere førebudd på, var grøss og gru knytt opp til Allehelgensdag. Lenger ute i bladet blei dagen (Allehelgensdag) omtalt som ”Årets skumlaste dag”. Denne samanblandinga er forståeleg ut frå at desse dagane er samanfallande i tid på året og at dei har med døde menneske å gjere. Men der stoppar også det som er felles. Medan Halloween er ein fastlagt dag, den same kvart år - 31. oktober, er Allehelgensdag (Helgemesse) første søndag i november, i år blir det søndag 5. november, opplyser Lilleaasen. Men kva står eigenleg desse to dagane for?

Uhygge

Allehelgensdag har tradisjon bakover til 700-talet i Noreg, medan Halloween er ein amerikansk tradisjon med røter i Irland. Den er komen inn i landet vårt dei seinare åra via amerikanske filmar og leiketøyindustrien med utkleddingsklede og masker - til dels med skremmande og groteske utformingar. Halloween dyrkar dei døde som ånder og har merksemda retta på døde som går att, på spøkelse og på det som skapar uhygge og utryggleik, og barna tar på seg dødningdrakter.

Når barna bankar på dørene, seier dei ”Trick-or-treat” (”knep” eller ”knask”), som betyr: Eg underheld deg, synger eller gjer noko liknande (treat), og du gir meg noko

att (ofte godteri), elles plagar vi deg (trick), ropar barna. Men ofte veit ikkje barna kva dei ropar eller kva det betyr.

Håp og trøyst

Allehelgensdag dreiar seg derimot om dei døde og om himmelen, der trøyst og håp om gjensyn står i sentrum, seier Kari Lilleaasen.

- Kva vil du rå foreldre og andre vaksne til å gjere?

- Samtale om

Halloween kan kanskje bidra til å hindre den utviklinga vi ser no, der barn til dels utfører svært grove ting denne dagen, som eggkasting og tilgrising av hus. Foreldre, barnehagetilsette og andre som har å gjere med barn, har eit ansvar her for å formidle kunnskap vidare til barna.

Lilleaasen meiner Allehelgensdag kan vere ein dag som gir barn og vaksne muligheit til å snakke om det vanskelege, om sorg og død.

- Besøk på kyrkjegard, der ein ser på kjende og ukjende gravstader, tenner lys på grav til familiemedlem, og gir barna muligheit til å snakke om liv og død og håp og himmel. I kyrkja er det fin markering av denne dagen, noko vaksne og barn kan vere saman om, seier Kari Lilleaasen, som i heftet ”Vi tar kvarandres hender, merkedagar i hausthalvåret”, utgitt av IKO-Forlaget, har meir informasjon om desse to dagane.

- Vil du åtvare barn mot å delta i Halloween-feiring?


- Nei, det vil eg ikkje. Den tradisjonen er komen for å bli.

Men eg vil sterkt oppmode foreldre til å ta det ansvaret det er å sikre at barna veit kva dei er med på og kvar grensa går for utagerande åtferd, seier rådgivar Kari Lilleaasen. KPK.



A. F. A. R. E. N. A. S. O. K. P. K. - 06

KAFFEKROKEN



© Hans Johan Sagrusten

GUDSTENER

- 29. okt Blomvåg kyrkje kl.11:00** Bots og bededags gudsteneste v/Helge Unneland. Offer til Norsk lærarakademi. Song av Vik mannskor.
- 05. nov Hjelme kyrkje kl. 11:00** Helgemesse v/ Svenn Martinsen . Offer til Normisjon. Nattverd. Høve til dåp
- 12. nov Blomvåg kyrkje kl. 11:00** Familiegudsteneste v/ Svenn Martinsen. Utdeling av biblar til 5. klassingar. 6.-7. klasse leiren vert med. Offer til Norsk misjoni øst.
- 19. nov Hjelme kyrkje kl. 16:00** Familiegudsteneste v/ Otto Høvik. Utdeling av biblar til 5. klassingar. Offer til kyrkjelydsarbeidet
- 26. nov Blomvåg kyrkje kl. 11:00** Høgmesse v/ Svenn Martinsen. Offer til Normisjon. Nattverd. Høve til dåp
- 03. des Hjelme kyrkje kl.11:00** Familiemesse v/ Svenn Martinsen. Offer til sjømannskirken. Nattverd.
- 10. des Blomvåg kyrkje kl.11:00** Familiemesse v/ Svenn Martinsen. Offer til Ungdom i oppdrag. Nattverd .Høve til dåp

KYRKJELEGE HANDLINGAR

Døypte

Blomvåg:

Kevin Renè Hellesøy Gørbitz, Blomvåg
Emma Jentoft Rong, Rong
Oda Marie Monge, Fagrebakkane (Straumsnes kyrkje)
Nora Karin Berthelsen, Torsvik

Hjelme:

Hanne Sofi Mydland-Veland, Rossnes
Leon Tveit, Tjeldstø
Morgan Edvardsen Vik, Rong

Døde

Blomvåg:

Målfrid Kirsten Magnesen, Torsvik f.1933
Ågot Astrid Dale, Blomvåg f.1929
Olaug Vik Olsen, Fjell f.1927
Ester Karina Blom, Blom f.1912
Betzy Helene Breivik, Breivik f. 1924
Frank Tore Husebø, Rong f. 1972

Hjelme:

Hilmar Tobiassen, N. Sæle f. 1932

Vigde

Hjelme:

Cecilie Andreassen og Stig Hellesund

TIL LUKKE

70 år:

19.nov. Ingvald Rolf Pahr, Alvheim

75 år:

31.okt Reidunn Marion Knappen, Tjødnarvegen
04.nov Gudrun Ingrid Dävøy, Dävøy

80 år:

31.okt. Solveig Theodora Oen, Breivik
06.nov. Bjarne Oen, Oen
25.nov. Ole Herdlevær, Herdlevær
29.nov. Paul Bertin Torsvik, Arsetlia
29.nov. Klara Aletta Wilhelmsen

85 år:

30.okt Nils Konrad Toftevåg, Rossnes
15.nov. Ingrid Vik, Vik
21.nov Solveig Fjeldstad, Tjeldstø

90 år:

18.nov. Arthur Severin Hellesund, Hellesund

INNKOMNE OFFER

Hjelme

9. april – normisjon	kr. 2870,00
13. april – kyrkjelydsarbeidet	kr. 2321,00
17. april - Norsk misjon i øst	kr. 1976,50
6. mai – Laget NKSS	kr. 4667,00
17. mai – korps og kyrkjelydsarb	kr. 3912,50
21. mai – Evangeliesenteret	kr. 2368,50
18. juni – Norsk Lutjersk Misjonssamband	kr. 6086,00
2. juli – Menneskeverd	kr. 1973,00
30. juli – Det Norske Bibelselskap	kr. 1990,00
13. aug – kyrkjelydsarbeidet	kr. 2435,00
27. aug – For bibel og Bekjennelse	kr. 1658,50
10. sept – Bergen søndagsskulekrets	kr. 3225,00
13. sept. – kyrkjelydsarbeidet	kr. 2536,50
24. sept. – Nordhordland Indremisjon	kr. 2264,00
8. okt – Kyrkjelydsarbeidet	kr. 1991,50

Blomvåg:

16. april – Bibelskolen Bildøy	kr. 4418,00
29. april – kyrkjelydsarbeidet	kr. 2498,50
30. april – Familie og Medier	kr. 3211,50
6. mai – Normisjon	kr. 3432,00
7. mai – Kyrkjelydsarbeidet	kr. 3099,00
14. mai – Den Norske Israelmisjon	kr. 2790,50
17. mai – korps og kyrkjelydsarb.	kr. 2702,50
28. mai – kyrkjelydsarbideid	kr. 1903,00
4. juni – Misjon uten grenser	kr. 2077,00
11. juni – Åpne dører	kr. 2063,00
25. juni. – Det Norske Bibelselskap	kr. 1209,00
9. juli – Kyrkjelydsarbeidet	kr. 2576,00
6. aug – kyrkjelydsarbeidet	kr. 1315,00
20. aug. – For bibel og Bekjennelse	kr. 3882,00
3. sept – Bergen søndagsskulekrets	kr. 3466,00
15. sept – kyrkjelydsarbeidet	kr. 4612,00
17. sept. – Kyrkjelydsarbeidet	kr. 6113,50
24. sept. – Kyrkjelydsarbeidet	kr. 3026,00

Hørselkontroll

Hørselkontroll er eit tilbod til eldre og uføre som ynskjer hørselmåling og/ eller utprøving av høyreapparat, eller som vil ha kontroll av det høyreapparatet som dei alt har. Ta kontakt med Øygarden kommune, Eleri Mai Oen Fossem, 56 38 23 54 mån - fre 0900-1400 for nærare informasjon.



Biletglimt frå bispevisitasen 13. - 17. september 2006



Vik mannskor



Øygarden gospel

Songglade jenter i Blomvåg kyrkje fredag 15. september



"Kaffibordet" i borggarden



75års jubileumskake



Alf Sæle, ein av bidragsytarane til jubileumsskriftet



Biskop og kyrkjelydspedagog syng duett under visitasgudstenesta



Store og små kosar seg i det fine veret under kyrkjekaffien

Ordføraren overrekkjer pengegåve til representant for Blomvåg sokneråd, Olaug Merete Rong, i samband med markeringa av 75års-jubileet

